

SURAT BERITA DOA

SATU PANGGILAN DOA UNTUK MALAYSIA

Kesatuan Doa (Prayer United) ditubuhkan sempena Tahun Jubli untuk menggerakkan umat Kristian agar berdoa tanpa henti untuk **pemulihan Gereja dan transformasi Negara**.

Kami memohon agar semua pendoa syafaat terus bertekun dalam doa, agar Allah membuka langit syurga, menunjukkan kemuliaanNya, dan mencurahkan kuasaNya ke atas negara kita. Marilah kita menuntut janji-Nya bahawa "dan umat-Ku, yang atasnya nama-Ku disebut, merendahkan diri, berdoa dan mencari wajah-Ku, lalu berbalik dari jalan-jalannya yang jahat, maka Aku akan mendengar dari sorga dan mengampuni dosa mereka, serta memulihkan negeri mereka." (2 Tawarikh 7:14). Marilah kita memohon Tuhan agar menjawab doa kita untuk perkara-perkara berikut:

- **Kekudusan Dan Kebenaran Dalam Gereja** – Berdoa agar Gereja di Malaysia boleh menjadi sebuah komuniti yang bernubuat, memberi impak kepada masyarakat bila kita menjalani kehidupan Kristian yang sejati dan berghairah serta menjadi garam dan terang kepada negara. Hanya dengan demikian gereja dapat bertindak dan bersuara dengan penuh kredibiliti dan mempunyai autoriti moral sehingga boleh diambil secara serius oleh pemimpin negara.
- **Gereja yang Bersatu dan yang Mencerminkan Identiti Malaysia** – Berdoa agar umat Kristian akan berusaha untuk mengekalkan kesatuan iman, memeluk perdamaian dan pemulihan, menyingkirkan sekatan yang dibudayakan dan menjadi satu contoh dalam menyatukan semua kaum, bahasa dan budaya di bawah Ketuhanan Yesus, serta menjadi model yang baik untuk perdamaian etnik di negara kita.
- **Mengejar Pemuridan yang Benar** – Berdoa agar umat Kristian akan memahami maksud sebenar menjadi pengikut Yesus, dan sanggup memikul kayu salibnya setiap hari dan mengalami penderitaan untuk Kristus. Berdoa agar ramai umat Kristian dalam bidang profesional dan pelajar universiti yang belajar di luar negara akan pulang dengan visi yang jelas untuk membangunkan gereja dan negara.
- **Gereja Peribumi yang Diperkasakan dan Bertumbuh** – Berdoa untuk gereja di Sabah, Sarawak dan Gereja Orang Asli di Semenanjung, agar terus bertumbuh dan diperkuatkan, dan agar pemimpin yang berani dan takut akan Tuhan akan dibangkitkan.

- **Pemulihan Ekonomi** – Berdoa agar Tuhan akan terus memberkati negara kita dengan memberi pemimpin negara hikmat untuk mengemudi negara kita pada masa kegawatan ekonomi dan kejatuhan harga komoditi. Berdoa untuk pembahagian kekayaan negara yang sama rata dan saksama bagi semua kaum dan jugs memberikan layanan yang adil terhadap orang asing dan pelarian. Berdoa untuk pembentukan dasar-dasar yang lebih baik dan perbelanjaan yang cermat. Berdoa menentang laknat rasuah, islamisasi yang menjalar dan penyalahgunaan kuasa.
- **Kebebasan Institusi Kerajaan** – Berdoa untuk perlindungan kebebasan institusi-institusi seperti Bank Negara Malaysia (BNM), suruhan-jaya anti- rasuah (MACC), Jabatan Audit Negara (JAN) dan pihak kehakiman daripada usaha-usaha tipu helah yang menggugat keluhuran Perlembagaan Persekutuan, kebebasan dan hak asasi, prinsip-prinsip demokrasi dan kedaulatan undang-undang di negara kita. Berdoa untuk pegawai kerajaan yang saleh dan jujur yang boleh bekerja dengan berani tanpa rasa takut atau pilih kasih. Berdoa untuk pemimpin yang benar dan bersih yang akan menegakkan proses-proses demokrasi institusi selain memulihkan nilai dan integriti khususnya di Parlimen.
- **Pemulihan Kebenaran di Negara**– Berdoa untuk satu transformasi yang penuh berkuasa yang akan membawa kepada pemulihan keadilan dan kebenaran di Malaysia. Berdoa agar Malaysia boleh berpulih daripada tahun yang penuh skandal. Berdoa agar sebarang kejahatan di kalangan pihak berkuasa didedahkan, agar keadilan ditegakkan.

PERKARA DOA UNTUK BULAN INI:

1. Persidangan Parlimen

- Mesyuarat pertama penggal keempat Persidangan Parlimen telah bermula pada 7 Mac: Dewan Rakyat akan berlangsung selama 20 hari sehingga 7 April dan Dewan Negara akan diadakan pada 18 April sehingga 4 Mei. Berdoa berkenaan pindaan kepada rang undang-undang NSC bertujuan untuk memperuntukkan 15 kuasa khas bagi penubuhan NSC selain pindaan yang dicadangkan kepada Akta Komunikasi dan Multimedia 1998. Doakan setiap rang undang-undang dan pindaan yang dibentangkan, agar Allah menahan undang-undang yang menyekat dan menindas hak orang ramai daripada diluluskan.
- Berdoa untuk semua Ahli Parlimen agar mereka berdebat, membuat keputusan dan mengundi dengan fikiran kebajikan rakyat dalam hati. Berdoa agar demokrasi parlimen akan dipertahankan, agar prosiding Parlimen dijalankan secara adil dan perasaan takut pada Allah.

- c. Berdoa agar Rang Undang-Undang Ahli Swasta PAS tentang Hudud tidak akan dibentangkan di Parlimen yang akan datang ini. Berdoa menentang rancangan rahsia untuk melaksanakan undang-undang Syariah melalui pelbagai pentadbiran negeri dengan tujuan untuk mengislamkan Perlembagaan Persekutuan.

2. Pilihan Raya Negeri Sarawak

- a. Keputusan daripada pilihan raya ini adalah kritikal untuk pemeliharaan dan memperjuangkan hak-hak asasi rakyat Sarawak yang merujuk kepada Persetujuan Pembentukan Gagasan Malaysia. Sangat penting bagi para pemimpin yang baru dilantik dalam memartabatkan keadilan, kebenaran dan ketulusan, serta melindungi negeri ini daripada campurtangan yang tidak membantu daripada Kerajaan Persekutuan.
- b. Dalam persiapan menjelang pilihan raya negeri yang akan datang, kebarangkalian besar pada April 2016, mari kita berdoa agar hanya mereka yang benar, tidak rasuah dan calon yang berkebolehan akan dicalonkan dan dipilih, dan agar mereka menegakkan hak-hak semua suku kaum. Berdoa menentang pencalonan mereka yang dari kalangan pelampau, yang cuba menanam sifat kebencian dan menyebabkan jurang antara suku kaum yang berlainan agama dan bangsa.
- c. Berdoa untuk pilihan raya yang bersih, menentang penggunaan wang rasuah untuk membeli pengundi. Berdoa untuk semua pegawai-pegawai pilihan raya, termasuklah ejen-ejen dan pengawas-pengawas yang menjaga proses pilihan raya serta pengiraan undi, untuk berkhidmat dengan jujur dan penuh integriti.

3. Media

- a. Berikutan penyekatan akhbar The Malaysian Insider dan penutupannya, doakan laman media dan mereka yang bekerja agar mereka berani, terus terang dan berintegriti semasa membuat laporan.
- b. Walaupun semua organisasi, termasuk Kerajaan perlu mempunyai rahsia dilindungi, berdoa agar keinginan untuk kecekapan seimbang dengan tuntutan zaman moden untuk ketelusan. Berdoa untuk Suruhanjaya Komunikasi dan Multimedia Malaysia (MCMC), agar mereka terus menegakkan kebebasan dalam laman media sosial dan agar tiada penyalahgunaan Akta Komunikasi dan Multimedia 1998.

- c. Berdoa untuk pihak Kerajaan agar mereka memastikan segala undang-undang, pada masa ini dan pada masa depan, menghormati kebebasan bersuara, termasuk kebebasan menggunakan dan berkongsi idea di laman-laman web.

4. Berdoa Menentang Ancaman Pengganas dan Pemberontakan

- d. Berdoa agar pihak berkuasa akan sentiasa bersedia dan berjaga-jaga dalam melindungi negara ini daripada ancaman pengganas di bandaraya-bandaraya seperti Kuala Lumpur, Putrajaya, Pulau Pinang dan di negeri Sabah, di mana ISIS sedang mengancam untuk menubuhkan sebuah Khalifah di Asia Tenggara. Berdoa agar semua perancangan untuk mengukar-kacirkan Asia Tenggara akan gagal.
- e. Berdoa untuk pemuda-pemudi Islam, agar mereka dilindungi daripada dihasut secara radikal oleh ideologi-ideologi puak pelampau yang cuba memerangkap mereka melalui kebencian, penakutan, penipuan, pengumpanan dan pemahaman yang salah terhadap kepercayaan mereka.

5. Persaraan Gabenor Bank Pusat dan Ketua Audit Negara

- a. Mari kita berdoa agar mereka yang dipilih untuk menggantikan kedua-dua penjawat awam yang amat dihormati ini adalah orang-orang berkaliber yang takut kepada Tuhan, berani, bersih dan adil. Mari kita berdoa untuk kebebasan institusi yang amat penting ini. Berdoa agar kerajaan akan melindungi organisasi yang seakan tiang ini daripada dijejaskan, serta membendung kerugian lanjut para pelabur dan kemerosotan keyakinan perniagaan dalam keadaan ekonomi yang semakin lemah ini.

Untuk Sekretariat Kesatuan Doa (PU)

Chrisanne Chin
Rev Andy Chi

Hubungi Kami: prayerunited.my@gmail.com